

1Petero **Petero'a Mirihirote'e So'ağa Ibi'a** **Ihore Ġoe'a**

So'a 'ahi'e Petero'a mirihiro. Petero'e Iesu tahi'a gaubanana aheu fare bo'ağano tahi'a 'ahoga. Ani'a haba'ahaba'ano rovote radiu'ete'e ekalesiağa ġehağa mazao so'a 'ahi tuğuriro. E'e madağano agire azağani'a ekalesia azağa aduga boro zininute'e u'ano, ekalesia azağa'e ufeta rihau'ena'a radiunu. Petero'a so'a 'ahi hina ekalesia ibitozi'ete'e azağa inaraziro. Ani Iesu'a nougenouge aduga hidadu emeğē ġabofirote'e moneo zu ani'a bare arite'e moneo ġoreziro. Ebu zeğē zuni aduga zamağano zamaze obone giganadu ze'a fie'ete'e mene modoga veize iraduguziro. Ze'a aduga hide'eta'a'e zeğē'a hube hune fie'ete'e tuhunifine zu Iesu'a bare arite'e madağano naeğa manōğa hidifine rae ihoziro.

¹ Eğē, Petero'e Iesu Keriso apostolo vazēğa. Eğē'a Ponito, Galatia, Kapadokia, Asia zu Bitunia haba'a zamağano Badi'a'a ohotirote'e azağa veize so'a 'ahi mirihe'ohe. Za'e zae haba mode iğunadu vase haba nunuo rovote radiu'ete'e avo'ağa azağa.

² Badi'a emeğē Mama'a za amahi ederadu ohotiro. Ebu Vine Zağōğa u'ano za'e zağōzağadu Iesu Keriso egohau'ohe zu ani ru hina deheziro.

Badi'a'a zae mazao manōğa zu zama roğēğa borofe hune zini'eno'i.

Manohuga 'Aune Guhine'ohe

³ Emeḡe Zuhi'a Boro Iesu Keriso Moga, Badi'a nigunihi! Ani'a eme vetuḡafi ru-fadu ḡabone iziga rifiro. Ani'a rune azaḡa bo'aḡano Iesu Keriso bare ḡabonirote'e u'ano 'ouge haḡairo. 'Ougadu eme ani mazaono'o manohuga hidi'uma rae mae ḡihine'ena'a, 'aune guhine'ohe.

⁴ Eme'e Badi'a mazaono'o meite'e manohugaḡa guhine'ohe. Manohuga a'e mene ruhura'uma zu mene sauta'uma zu mene hauḡi'uma ḡauḡa. Ani'a emeḡe veize adureo e'e godoḡe'ohe.

⁵ Zae'a fie'ete'e u'ano, Badi'a'a ane inara hina zae bire'ohe, onamo mada ḡonagano ani'a zae ḡabozite'e madaḡani'a furera'uma.

⁶ E'e u'ano, izidi mada tahiḡa aduga nunu hidadu zamaze'a adudu'ete'e zamaḡano zuni za'e matu'e rudau'ohe.

⁷ Aduga 'uguḡa hide'eta'a'e zae'a hube hune fie'e ga mene'e ederoga veize tuhuze'ohe. Golo'e huga ḡianihi radu ire roga duhuḡano hufi nuri'ohe, rehano ḡonagano golo zuni hauḡi'uma. U za'a fie'eta'a'e golo ufeta vitine ḡihi'aḡa. E'ano'o Iesu Keriso'a fureratite'e madaḡano, zae'a fie'ete'e u'ano Badi'a'a niguzi'uma, nize mae ḡihini'uma, zu za'e vaze boroboro rae huzi'uma.

⁸ Za ani mene horoniro rehano, ani zama-re'ohe. Zu izidi 'ada ani mene horone'e rehano, za'e ani mazao fie'ohe zu matu'e rudau'ohe. Zae matu'u'e ufeta boro radu hebeze hina rouga zuni mene idaḡa,

⁹ mazaḡa za vine moneo ḡabone hide'ohe. Ḡabone hide'eta'a'e zae'a fie'ete'e naeḡa ra'ohe.

¹⁰ Badi'a'a nougenouge vase ġaboze'ete'e moneo peroveta azaġani'a amahi faifaine inare udahiro. Ze Badi'a'a zae mazao furenite'e manoga moneo irina rae fureniro.

¹¹ Keriso Vine'e zeġe zamao radadu ze Keriso'a aduga hidite'e zu vesu'u niġa'e ġihi'a hune rae reite'e moneo irina rae fureniro. E'e madaġano ze 'ugugani'a nani'a nougenouge fureratite'e moneo zamare vaġiro.

¹² Peroveta azaġani'a Badi'a ġoere rae furenirota'a'e mene zeġe veize, rehano zae veize rae fureniro. E'e moneo Badi'a'a zeġe mazao rae furenadu ze ederiro. Ebu vase nu'e Badi'a'a adureono'o tuġunirote'e Vineġa Zaġoġa inaraġa hina hari manoga 'adi haramiro. Ze izidi madaġano zae mazao haramadu za igiro. Tuġure vigavigani'a zuni hari manoga e'e moneo ederihhi rae urate hune'ohe.

Zaġozaġe Rado'i

¹³ E'ano'o ġabone manoga radifine zamare doġo'ano'i. Zae'a bare haġai sau'a hezahohano'i. Iesu Keriso'a fureratite'e madaġano Badi'a'a zae mazao furenite'e manoga mae ġihine'ena'a, hube hune guhine rado'i.

¹⁴ Tahi'atahi'a'a rahao 'ada moze egohau'ete'e teige, Badi'a egohano'i. Zae'a hari manoga mene edere'ena'a radirote'e zamaġano, haġai sau'a haġaihi rae ra'ete'e zamaroneġa hegotido. Izidi'e zamarone 'uguġa ago hegoti rado'i.

¹⁵ Zae huzirote'e Badi'aġa'e zaġoġa teige, haġaize nidu'a moneo zaġozaġo'i.

16 Buka Zaḡoḡano 'ahige rae mirihiro, "E zaḡoḡa u'ano, zae zuni zaḡozaḡo'i."☆

17 Zae'a Badi'a'e Mama rae hune'ohe. Ani'a vase mazao mene inahe'ohe zu vase haḡai idunaḡano kotaze'ohe. E'ano'o za avo'a azaḡa teige raha 'adao radiu'ete'ea, Badi'a gubane rihone'ena'a, rado'i.

18 Za'e edeḡa, vouḡaze mazaono'o meirote'e ḡaboneḡa'e huga o'o'a. E'e ḡaboneḡa ibiḡanono'o Badi'a'a zae bohaze buziro. Ani'a haugite'e ḡauḡa, golo zu siliva hina mene 'ougiro,

19 rehano Keriso ru ḡihi'aḡa hina 'ougiro. Keriso'e toragani o'o'a ga idirini 'o'o'a mamoeḡa ubuga heuḡa.

20 Ani'e raha zu adure 'izema haḡaogano Badi'a'a ohotiro ebu zae veize mada 'ahi ḡonagano ani mae fureniro.

21 Za Keriso u'ano Badi'a mazao fie'ohe. Badi'a'a rune azaḡa bo'aḡano Keriso bare ḡaboniro zu Keriso ni mae ḡihiniro. 'Ougadu zae'a Badi'a mazao fie'ohe zu ani mazaono'o manohuga hidi'uma rae mae ḡihine'ena'a guhine'ohe.

22 Zae'a ḡoere huga egohanadu haḡaize sau'anono'o deheziro. 'Ougadu izidi hube hune zae nego nabudi teite zamarotite'ohe. Zamaze nidu'a hina borofe zamarotito'i.

23 Za'e radiu tuḡutuḡu Badi'aḡa ḡoere hina ḡabone izigano bare fureraro. Ani ḡoere'e mene rudatite'e ezoneḡa, rehano radiu tuḡutuḡite'e ezoneḡa.

☆ 1:16 1:16 Dibu'o 11:44-45, 19:2, 20:7

24 Buka Zaḡoḡano 'ahige rae reiro,
 "Vaze nidu'a'e ve heuḡa,
 ebu nize ḡihi'aḡa'e butu kakaḡa heuḡa.
 Ve'e rorau'ohe zu kaka'e rururu'ohe,
 25 rehano Zuhi'a Boro ḡoere'e radiu
 tuḡutuḡu."☆
 Ḡoere 'ahi'e zae mazao haramirote'e hariḡa
 manoḡa.

2

1 E'ano'o zae mazaono'o sau'a nidu'a,
 so'oso'o nidu'a, zama guhi, ahiahi zu vaze
 rae sausauze'ete'e ḡoe'a nunu mae vaḡino'i.

2 Ene guraḡani'a vi'a nune vuḡa urate
 rudau'ete'e teige, zae zuni vine moneo nune
 vuḡa iriga mo'i. 'Ougine za'e ḡuhuradu ḡabone
 hidi'uma.

3 Za'e edeḡa, Zuhi'a Boro'e manoḡa tauḡi.
 E'ano'o vine moneo nune gagihi rae ufeta inaro'i.

Hadi Ḡaboga zu Ohotirote'e Azaḡa

4 Keriso vaḡe aro'i. Ani'e vaze'a hezahoharo,
 rehano Badi'a'a ohotadu ane ubumao Keriso'e
 ḡihi'aḡa rae reiro. Ani'e ne du'e rinede'ete'e
 hadiḡa heuḡa. Hadi a'e ḡaboga zu ḡihi'aḡa.

5 Zae zuni hadi ḡaboga heuḡa. Badi'a'a
 zae ohozadu Badi'a Vine'a radiu'ete'e neḡa
 ogoru'ohe. Ebu za'e dibu'o azaḡa zaḡoḡano
 ohozadu zae'a Iesu Keriso u'ano vine dibu'oḡa
 Badi'a ha'uma. 'Ougine, Badi'a'a matu'i'uma.

6 Buka Zaḡoḡano 'ahige rae ra'ohe,

“Ĝiano'i, eĝe'a hadi 'ahoga Sioni* zamaĝano ohone'ohe.

Hadi a'e eĝe'a ohotiro. A'e, ne du'e rinede'ete'e hadiĝa ĝihi'aĝa hune.

Iniu ani mazao fie'ete'e vazega'e,
mene hune mazagaroni'uma.”✠

⁷ Za'e fie'ete'e azaĝa 'ahine, hadi 'adi'e zae mazao'e ĝihi'aĝa. Rehano mene fie'ete'e azaĝa mazao'e Buka Zaĝoĝano 'ahige ra'ohe,

“Vaze'a hadi hina ne ogorarotene, ze'a mae modirote'e hadiĝa'e

ne du'e rinede'ete'e hadiĝa reiro.”✠

⁸ Ebu raena'a,

“Hadi 'adi'e, vaze'a tutuhanadu higau baure'ete'e hadiĝa,

zu ze tutuhanadu uite'ete'e vatavaĝa.”✠

Ze'e Badi'a ĝoere mene egohau'ete'e u'ano tutuhanadu uite'ohe. 'Uguĝani'a zeĝe mazao fur-
eranoga veize Badi'a'a ze irina ohoziro.

⁹ Rehano za'e Badi'a'a ohotirote'e azaĝa, Kini veize gaue'ete'e dibu'oĝa azaĝa, haba 'adi azaĝa zaĝoĝa, zu Badi'a mone azaĝa. Badi'a'a za'e uzaboono'o mae vaĝizadu ane agaĝa ĝihi'aĝa zamaĝano mae zouziro. 'Ougadu zae'a ani haĝai manomano rae furene'ohe.

¹⁰ Ibite za'e Badi'a mone mene azaĝa, rehano izidi za'e ane mone azaĝa. Ibite Badi'a'a za mene vetuĝaziro, rehano izidi vetuĝazi'ohe.

¹¹ Eĝe zamarone azaĝa, za'e raha 'adao i'udo azaĝa zu avo'a azaĝa teige'ohe. E za inare zi'ohe, ahiri urao haĝai sau'a haĝaihi rae ra'ete'e

* **2:6 2:6** *Ierusalem* ✠ **2:6 2:6** *Isaia 28:16* ✠ **2:7 2:7** *Salamo 118:22* ✠ **2:8 2:8** *Isaia 8:14*

zamaroneġa mae vaġino'i. Zamarone 'uguġa'e vineze agirozi'ena'a, utitozi'ohe.

¹² Badi'a aġu'a azaġa bo'aġano haġai manoġa haġae rado'i. Ze zae'a haġai sau'a haġae'ohe rae sausaui'uma, rehano za'a haġai manoġa haġae'ete'e horonadu ze Badi'a'a emeġe vaġe arite'e madaġano ani ni mae ġihini'uma.

Vaze Ibitoz'i'ete'e Azaġa Egozeno'i

¹³ Raha 'adao vaze ibitozi'ete'e inaraġa meirote'e azaġa nidu'a egozeno'i. Zuhi'a Boro veize 'ouge haġao'i. Raha kiniġa egohano'i. Ane inara'e boro hune.

¹⁴ Gavana azaġa egozeno'i. Ze'e nagini ve'oġa haġae'ete'e azaġa aduga zenoga veize ebu duduġa haġae'ete'e azaġa niguzoga veize kini'a tuġuzi'ro.

¹⁵ Badi'a'e zae'a haġai manoġa haġaoga urate'ohe. Haġai manoġa haġadu kauriġa azaġani'a Badi'a aġu'a u'ano ve'ore ġoere'ete'e 'ui'uma.

¹⁶ Za'e mene tuġure azaġano rado'i. Rehano za'e boha'a radu sau'a nunu haġae'ete'e ibiġano ago rado'i, rehano Badi'a tuġure azaġano rado'i.

¹⁷ Vaze nidu'a faine gubazo'i. Ekalesia zamaġano zae teite tiburu fie'ete'e azaġa, negoze nabudize zamaro'i. Badi'a rihono'i zu raha kiniġa gubano'i.

Zuhi'aze Egohano'i zu Keriso Aduga Hegoto'i

¹⁸ Tuġure azaġa, za'e zuhi'aze gubaze'ena'a, ġoereze egozeno'i. Zae mazao manore'ete'e zu vetuġazi'ete'e zuhi'aze mazao da'o'e mene,

rehano aduga zini'ete'e zuhi'aze mazao zuni 'ouge haḡao'i.

¹⁹ Za ve'oḡa mene haḡairote'e madaḡano zuhi'aze'a za aduga zinine, Badi'a zamare'ena'a, e'e aduga gigi'aḡano zamaze obone ti'uma. 'Ougine, Badi'a'a zae niguzi'uma.

²⁰ Za'e gau nu haḡae ve'orirote'e u'ano vase'a bouzadu za zamaze obone tine, Badi'a'a e'e moneo zae mene niguzi'uma. Rehano haḡai manōḡa haḡae'ete'e u'ano aduga hidadu zamaze obone tine, Badi'a'a zae niguzi'uma.

²¹ Zae'a 'ouge haḡaoga veize Badi'a'a huziro. Mazaḡa Keriso'a zae veize aduga hidadu za'a ane oda iḡu'a hegotifine ane aduga 'uguḡa zae ihoziro.

²² "Ani'e haḡai sau'a 'ahoga mene haḡairo, ebu hebe'a hina vase so'oso'oze'ete'e ḡoe'a mene reiro."✧

²³ Vaze'a ani rae sausaunirotene, ani ze mene rae sausauiro. Vaze'a aduga harotene, ani zeḡe mazao aduga baronozini'uma rae mene reiro. Rehano duduḡa ibiḡano vase kotaze'ete'e Badi'aḡa 'evoreo ze ri'iziro.

²⁴ Ani'a ane ahiri rana emeḡe haḡai sau'a mae teadu satauro rana rudaro. A'e emeḡe'a haḡai sau'a moneo'e rudanadu mene bare haḡaifine ebu haḡai duduḡa haḡae radifine reiro. Vaze'a ani ahi'a sausaunirote'e u'ano, za'e haḡai sau'anono'o manoriro.

²⁵ Ibite za'e mamoe'a doudirote'e teigiro, rehano izidi mamoe taufe'ete'e vazēḡa vāḡe bariro. Ani'e zae vine faine ḡiane'ete'e vazēḡa.

3

Inudeze zu Ize

¹ Hahu roḡaeḡaroḡaeḡa, tuḡure azaḡani'a zuhi'aze egozini'ete'e teige, ize egozeno'i. Ize'e Badi'a ḡoere mene mae ḡihine'ete'e vazēḡa reine zuni ze egozini'uma. 'Ougine, ze zae haḡai horonadu Badi'a ḡoere mae ḡihini'uma. Zae'a ḡoere 'ahoga mene zine zuni, zae haḡai manōḡa u'ano zeḡe zuni Badi'a ḡoere mae ḡihini'uma.

² Mazaḡa zae'a Badi'a gubane'ena'a zamaze deheḡano radiu'ete'e zeḡe'a horone'ohe.

³ Ahirize enoga ago rohorohono'i. Iguze nunufe si'e'ete'e, iniamau goloḡa naēḡa boro vidau'ete'e ebu dabua iraḡa manomano vidau'ete'e ago haḡao'i.

⁴ Rehano zama namiḡa zu zama roḡeḡa hina zamaze rohorohono'i. A'e Badi'a ubumao ḡau naēḡa boro zu mene hauḡite'e ḡauḡa.

⁵ Ibite Badi'a'a zinite'e manohugaḡa guhine radiunute'e roḡaeḡaroḡaeḡa zaḡoḡa nu zuni e'e ibiḡano radiu'ena'a, zamaze rohorohoniro ebu ize egoziniro.

⁶ Sara zuni Aberahamo egohaudu zu i'a mazao zuhi'a rae hunido. Za'a haḡai manōḡa haḡaine zu ḡau 'ahoga mene rihonine, zae zuni Sara aboḡa rae re'uma.

⁷ Hahu ohozeḡaohozeḡa, inudeze teige, zae zuni inudeze faine zamare'ena'a zeḡe teite rado'i. Ze'e zae vitize ufeta zoreḡa, ebu Badi'a'a manōḡa furenadu ḡabone zini'ete'e ḡahunoneḡa ḡihi'aḡa zae teite meite'e azaḡa. E'ano'o inudeze

gubazo'i, 'ouguine ḡau 'ahogani'a zae kuru mene
'ui'uma.

Haḡai Duduḡa u'ano Hide'ete'e Adugaḡa

⁸ E ḡonagano zi'ohe. Zae nidu'a zama tibano
tiburu rado'i, vetuḡatito'i, zamarotito'i, vase
mazao manōḡa haḡao'i, zu nize mae ovoro'i.

⁹ Iniu'a zae mazao sau'a haḡao'idene, sau'a
ago baronozeno'i. Iniu'a zae mazao ḡoere
sau'a zo'idene, ḡoere sau'a hina ago barone
zo'i. Rehano Badi'a'a manohuga ze zenoga veize
umido'i, mazaḡa za'e Badi'a'a manohuga zenoga
veize huziro.

¹⁰ Buka Zaḡoḡano 'ahige rae mirihiro,
“Iniu ḡaboneḡa zamare borofe'ete'e
zu mada manōḡa hidihi rae ra'ete'e
vazeḡa'e,
hebe'a hina ḡoere sau'a mene re'uma,
ebu so'oso'o ḡoe'a mene re'uma.

¹¹ Sau'anono'o ḡihuradu haḡai manōḡa
haḡai'uma,
ebu zama roḡeḡa vaḡi'uma zu e'e meifine
inari'uma.

¹² Zuhi'a Boro ubuma'e duduḡa azaḡa ḡiaze'ohe,
ebu ani teḡa'e zeḡe kuru abite'ohe.
Rehano haḡai sau'a haḡae'ete'e azaḡa maza-
ono'o iraḡa ḡihune'ohe.”☆

¹³ Za haḡai manōḡa inare haḡaine, iniu'a za
sausauzi'uma?

¹⁴ Rehano haḡai duduḡa haḡae'ete'e u'ano
zae'a aduga hide'etene, Badi'a'a manohuga

zini'ohe. Iniu'a zae mazao riho gōe'a zo'idene, ago rihano'i* zu zamaze ago adudano'i.

¹⁵ Rehano zamazeo Keriso'e zae Zuhi'a Boro rae mae ġihine'ena'a, egohano'i. Zae'a Badi'a mazaono'o hidite'e manohugaġa mae ġihine'ena'a guhine'ete'e moneo vaze nu'a zae ġadizi'uma. Ze'a ġadizite'e madaġano faine naenaefine, za zae'a bare iġaigā ruhibo'i.

¹⁶ Naenaefine, zama manōġa hina gubaze'ena'a, naenaefine. Zamarone duduga mo'i. 'Ougine, zae'a Keriso teite tiburanadu haġai manōġa haġae'ete'e moneo agirozi'ena'a zae rae sausaufine'ete'e azaġa'e zeġe'a bare goereze sau'a 'uguga u'ano mazarogizi'uma.

¹⁷ Badi'a urao manōġa haġadu aduga hide'eta'a'e ufeta manōġa. A'e sau'a haġadu aduga hide'ete'e vitinoga.

¹⁸ Keriso zuni emeġe haġai sau'a u'ano, ġae tiba da'o rudaro. Duduga vazeġani'a mene duduga azaġa veize rudaro. 'Ougadu ani'a za Badi'a vaġe tutuze ariro. Vaze'a ani ahiri maro, rehano ane vine'e bare ġabodiro.

¹⁹ Ane vine'a ġu'a neġano radiu'ete'e vigaviga vaġe onamadu haramoziro.

²⁰ Vineze a'e ibite mada faġano Noa'a ġasi boro haġainute'e madaġano Badi'a goere mene egoharote'e azaġa vigaviga. E'e madaġano Badi'a'a ze ane vaġe bare aroga veize faġa guhize radiunu, rehano ze ane vaġe mene ariro. Vaze tahiġa da'o, fu'o uġidu fare'a vuono'o ġabone hidiro.

* **3:14 3:14** Zeġe'a rihone'ete'e ġaūġa ago rihono'i

²¹ Vu a'e izidi zae ḡaboze'ete'e babatisoḡa rae ihoze'ohe. Babatiso'e mene ahirize toraga vuzu'e vaḡine'ete'e, rehano Badi'a ubumao haḡai duduḡa haḡaihi rae ra'ete'e zamaroneḡa umide'ete'e ra'ohe. E'e veize Iesu Keriso'a bare ḡabodiro.

²² Keriso'e adure itadu Badi'a eda'e moneo radiu'ohe. Tuḡure vigaviga ebu adureo inara zu gigi'a meirote'e vigaviga nidu'a ani egohau'ohe.

4

Badi'a veize Gaue'ete'e Ḡaboneḡa

¹ Keriso'a ahiriḡano aduga hidiro. E'ano'o zae zuni ani'a haḡairote'e ibiḡano zamaradu uti ḡauḡa ma'ete'e teiḡe zae'a bare ruhibo'i. Mazaḡa iniu ahiriḡano aduga hidirote'e vazega'e haḡai sau'anono'o vaḡiniro.

² 'Ougadu zae ḡabone tahiḡa rahao 'ada nidu'a'e vase urao haḡai sau'a haḡaihi rae ra'ete'e zamaroneḡa mene hegote radi'uma. Rehano Badi'a ura haḡae'ena'a radi'uma.

³ Za'e ibite madaḡano Badi'a aḡu'a azaḡani'a urate'ete'e haḡaiḡa haḡae idararo. Haḡai 'uguḡa'e haḡai sau'a nunuo matu'e radiu tauḡitaugē'ete'e, daro fu'a, gagone fu'a, muio matu'e tauḡitaugē'ete'e, ebu Badi'a'a he'ehe'ene'ete'e ḡuriro badi'aḡa mazao kurau'ete'e ra'ohe.

⁴ Izidi za'a haḡai sau'a 'uguḡa Badi'a aḡu'a azaḡa teite ufeta boro hune mene haḡae'ete'e moneo Badi'a aḡu'a azaḡani'a zaguzaganadu zae rae sausauze'ohe.

⁵ Rehano ze zeḡe'a haḡairote'e haḡaiḡa moneo Badi'a ubumao edanadu dehene re'uma. Badi'a'e ḡaboga azaḡa zu rune azaḡa kotazite'e Badi'aḡa.

⁶ E'e u'ano, hari manōḡa'e rune azaḡa mazao zuni haramiro. Vaze nidu'a Badi'a'a kotazadu ahirize'e rudau'ete'e teiḡe, ahirize'e rudaro. Rehano vineze'e ḡabode radiu'ete'e Badi'aḡa teiḡe radifine, zeḡe mazao hari manōḡa haramiro.

⁷ Ḡau nidu'a ḡonaga'e haniteha. E'ano'o faifaine zamaradu rado'i ebu zae'a bare haḡai sau'a hezahohau'ena'a, kurano'i.

⁸ Ḡau nidu'a bo'aḡano, ḡau ḡihi'a hune'e zae'a inare zamarotite'ete'e ra'ohe, mazaḡa zae'a zamarotitine, vaze haḡai sau'a ḡehaḡa bagaḡa rae modi'uma.

⁹ Ago ḡoere futau'ena'a, vaze mae zouzadu ḡubuzo'i.

¹⁰ Zae tibatiba'e Badi'a'a furenirote'e ḡahunoneḡa hidiro. Za'e ḡahunone e'e faine odohe gaue'ete'e azaḡa, e'ano'o Badi'a mazaono'o meirote'e ḡahunoneḡa nunu idunaḡano danatito'i.

¹¹ Vaze haramozini'ete'e ḡahunoneḡa meirote'e vazēḡa'e Badi'a ḡoere idunaḡano da'o haramo'i. Vaze danaze'ete'e ḡahunoneḡa meirote'e vazēḡa'e Badi'a'a hau'ete'e inaraḡa hina danazo'i. 'Ougine, Iesu Keriso niḡano ḡau nidu'a moneo Badi'a niguni'uma. Badi'a ni ḡihi'aḡa zu gigi'aḡa'e radiu tuḡutuḡu. Amen.

Fie'ete'e Azaḡani'a Aduḡa Hide'ohe

¹² Eḡe zamarone azaḡa, vazevaze'a zae tuhzoga veize, ire rogao zae mae hufi'ete'e teiḡe

aduga boro zini'uma. E'e aduga gigi'aḡano zuni ḡau 'ahoga izigani'a zae mazao fureranate'e teige ago zaguzagano'i.

¹³ Rehano matu'o'i, mazaḡa za'e Keriso'a hidirote'e adugaḡa ani teite daine'ohe. 'Ougadu Keriso'a niḡa ḡihi'aḡa furenite'e madaḡano zae zuni matu'e ruda'uma.

¹⁴ Keriso u'ano vase'a zae rae sausaune, za manohuga hidi'uma, mazaḡa Badi'a ni mae ḡihine'ete'e Viga, Badi'a Vine'e zae teite radiu'ohe.

¹⁵ Zae'a vase maune ga vase ḡau ḡonotaune ga haḡai sau'a haḡae tauḡine ga vase gau ḡunuḡununine, aduga hidi'uma. E'e adugaḡa mene hidifine, haḡai sau'a 'uguḡa ago haḡao'i.

¹⁶ Rehano Keriso mazao fie'ete'e u'ano aduga hido'idene, ago mazagarozo'i, rehano Badi'a niguno'i, mazaḡa za'e Keriso mone azaḡa.

¹⁷ Badi'a'a kotazite'e madaḡa 'ai feureha. Kota a'e Badi'a mone azaḡa mazao ḡadahi'uma. Ane kota'e emeḡe mazao ḡadahine, Badi'a hari manōḡa mene egohau'ete'e azaḡa ḡonaga'e nougi'uma?

¹⁸ Buka Zaḡoḡano 'ahige ra'ohe,
 “Badi'a ubumao duduḡa rae ra'ete'e azaḡa zuni ibite aduga boro hidirote'e enogano ḡabone hide'ohe.

Tena Badi'a mene gubane'ete'e azaḡa zu haḡai sau'a haḡae'ete'e azaḡa'e nougi'uma?”✧

¹⁹ E'ano'o iniu Badi'a urao aduga hide'ete'e azaḡa'e haḡai manōḡa haḡae'ena'a, ḡaboneze

Badi'a ha'uma. Ani'e zae haḡairote'e Badi'aḡa, e'ano'o ani zae veize zamaḡa nidu'a hina gau nidu'a haḡae'ohe.

5

Badi'a Mamoe Tauf'o'i

¹ Zae bo'aḡano ekalesia ibitozi'ete'e azaḡa mazao eḡe'a inare zi'ohe. Eḡe zuni ekalesia ibitozi'ete'e vazēḡa 'ahoga, zu Keriso aduga horonadu rae furene'ete'e vazēḡa, ebu Keriso'a niḡa ḡihi'aḡa furenite'e madaḡano ani teite ni ḡihi'aḡa dainite'e vazēḡa.

² Badi'a mamoe taufo'i. Ze'e Badi'a'a zae 'evoreo tirote'e azaḡa u'ano, faine ḡiazo'i. Zae'a haḡae hunite'e gauḡa radu ago 'ouge haḡao'i, rehano Badi'a'a urate'ete'e teige zae'a uratadu matu'e haḡao'i. Mene hadi ubumaḡa reifine, rehano ze danazifine 'ouge haḡao'i.

³ Badi'a'a zae zinirote'e azaḡa ago zuhi'azo'i, rehano zae mamoe'a za tuhutuhuzifine haḡai manōḡa ihozo'i.

⁴ 'Ougine, mamoe taufe'ete'e vazēḡa ḡihi'aḡani'a arite'e madaḡano zae'a kini vadiga adiriḡa ḡihi'aḡa hidi'uma. A'e mene hauḡite'e ḡauḡa.

⁵ E'e teige, tahi'a izigaiziga, ekalesia ibitozi'ete'e azaḡa* egozeno'i. Zae nidu'a nize mae o'oe'ena'a vase 'ahoga'ahoga gubaze'ete'e dabuaḡa vidano'i. Mazaḡa Buka Zaḡoḡano 'ahige rae ra'ohe,

* 5:5 5:5 vouḡa azaḡa

“Badi'a'a iniu zeḡe'a bare nize mae ite'ete'e
azaḡa'e agirozi'ohe,
rehano nize mae ovoe'ete'e azaḡa mazao'e
manoḡa furene'ohe.”✠

⁶ E'ano'o Badi'a 'evore gigi'aḡa 'u'uḡano za zae'a
bare nize mae ovoro'i. 'Ougine, ani'a ohonirote'e
madaḡano nize mae iti'uma.

⁷ Zamaze aduga nidu'a Badi'a 'evoreo to'i,
mazaḡa ani'e zae taufe'ohe.

⁸ Zae'a bare haḡai sau'a hezahohano'i zu to-
hutohe rado'i. Laioni'a ḡuna'e ragave'ete'e teige,
agireze Diabolo'a vase 'ahoga manadu unoga
veize vase vaḡe ragave'ohe.

⁹ Fie'ete'e zamaḡano edau gigaru'ena'a, Dia-
bolo teite utito'i. Mazaḡa za edeḡa, zae nego
nabudi raha nidu'a zamaḡano radiu'ete'e'a zuni
zae'a hide'ete'e adugaḡa idane hide'ohe.

¹⁰ Za mada tahiḡa aduga hidirote'e enogano,
Badi'a ane'a bare zae manohuzi'uma, edeze
gigazi'uma, inarazi'uma, zu ohoze gigazi'uma.
Ani'e zae mazao manoḡa nidu'a furene'ete'e
Badi'aḡa. Ani'a zae huzadu zae'a Keriso teite
tiburaro, ebu Badi'a ni ḡihi'aḡa radiu tuḡutuḡu
zae teite dainiro.

¹¹ Ani gigi'aḡa'e radiu tuḡutuḡu. Amen.

Uhiu Ḡoe'a Ḡonaga

¹² So'a futu'a 'adi'e Silasi'a danahadu zae veize
mirihiro. Ani'e eḡe nego zu zamaḡa nidu'a
hina gaue'ete'e vazeḡa rae e zamare'ohe. So'a
'ahaono'o e zae inarazi'ohe zu 'ahi'e Badi'a'a
emeḡe mazao furene'ete'e manoḡaḡa hune rae

furene'ohe. Za'e ane manogā e'e zamaḡano edau gigarano'i.

¹³ Babulonia haba'ano zae nabudi ekalesia azaḡani'a zae mazao uhiu ḡoe'a tuḡure'ohe. Ze'e Badi'a'a zae teite ohotirote'e azaḡa. Ebu eḡe ubude Mareko zuni zae mazao uhiu ḡoe'a tuḡure'ohe.

¹⁴ Zamarotite'ena'a, kavarotitadu
“Manogāhe?” rae uniho'i.

Za'e Keriso teite tiburarote'e azaḡa. Badi'a'a zae nidu'a zama roḡeḡa zini'eno'i.

Buka Zaḡoḡa Ġoitore Iziga
The New Testament in the Uare language of Papua
New Guinea
Nupela Testamen long tokples Uare long Niugini

copyright © 2017-2024 Wycliffe Bible Translators, Inc.

Language: Uare

Translation by: Wycliffe Bible Translators

Contributor: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-08-11

PDF generated using Haiola and XeLaTeX on 11 Aug 2025 from source files dated 11 Aug 2025

c398f744-e34b-525a-a9fe-d04e84ab7b13